



SEYÐISFJARÐARKAUPSTAÐUR

Kt. 560269-4559 – Sími: 470 2300 – Fax: 472 1588

Pósthólf 15 – Hafnargata 44 – 710 Seyðisfjörður

Netfang: sfk@sfk.is – Veffang: www.seydisfjordur.is



Samantekt, **apríl 2018**. Nánari upplýsingar og upphaflegar fréttir er hægt að nálgast á vefsíðu kaupstaðarins, www.sfk.is

Íslandsmót í krakkablaki í 5. og 6. flokki var haldið helgina 14.-15. apríl. Gekk mjög vel að öllu leyti.

Seyðisfjarðarskóli flutti söngleikinn Fjallkonan. Verkið er að öllu leyti frumsamið af kennurum, nemendum, með aðstoð leikstjóra. Leikstýrt af Halldóru Malín Pétursdóttur.

Ný aðalstjórn Hugins. Í nýrri stjórn sitja Örvar Jóhannsson, formaður og Elena Pétursdóttir, gjaldkeri og Bergþór Máni Stefánsson, meðstjórnandi.

Heimahjúkrun – kynntar voru breytingar í heimahjúkrun. Heimahjúkrun mun framvegis verða veitt frá hjúkrunarheimilinu Fossahlíð í stað heilsugæslunnar áður. Með því fyrirkomulagi á að vera hægt að koma betur til móts við þarfir einstaklinga fyrir heimahjúkrun, en fram til þessa hefur þjónustan eingöngu verið í boði á dagvinnutíma á virkum dögum.

Þjónustan verður veitt af hjúkrunarfræðingum, sjúkraliðum og ófaglærðu starfsfólki með reynslu af umönnun og hjúkrun.

Heilsueflandi samfélag bauð upp á bíllausa viku. Bíllaus vika verður aftur á haustmánuðum, í október 2018.

Samstarfsverkefni forvarnarfulltrúa og Arons Fannars Skarphéðinssonar - Seyðfirðingum var boðin innsýn í heim einhverfs einstaklings. Heftið "Með augum einhverfunnar" var gefið fyrirtækjum og stofnunum í bænum, þar sem höfundar reynir að útskýra hvernig það er að vera einhverfur.

Viðhorfskannanir til Íþróttamiðstöðvar og Sundhallar - viðhorfskannanir voru lagðar fyrir Seyðfirðinga í mars 2018 þar sem markmiðið var að kanna ánægju fólks á annars vegar líkamsræktinni í Íþróttamiðstöðinni og hins vegar Sundhöllinni. Báðar kannanir innihéldu sömu spurningar og var fólk einnig beðið um að koma með umsagnir og hugmyndir um hvað betur mætti gera til að bæta aðstöðuna og þjónustuna. Niðurstöður kannananna má sjá á vefsíðu kaupstaðarins.

Sveitarstjórnarmál

Foss við brú

Bæjarstjórn samþykkti á fundi þann 11. apríl s.l. að heimila að settur verði foss á Fjarðarárbrú. Hugmyndin byggir á gjörningi sem sýndur var á ljósaátíðinni List í ljósi 2018.

Niðurstöður Skoðanakönnunar um samstarf/sameiningu sveitarfélaga

Í mars var framkvæmd skoðanakönnun að tillögu samstarfsnefndar sveitarfélaga á starfssvæði félagsþjónustu Fljótsdalshéraðs um viðhorf íbúa til samstarfs og/eða sameiningar sveitarfélaganna á félagsþjónustusvæði félagsþjónustua Fljótsdalshéraðs. Niðurstöður könnunarinnar voru birtar í byrjun apríl og má sjá á vef sfk.is.

Hugmyndasamkeppni um skipulag við lónin

Fyrir fundi bæjarstjórnar í apríl lá tillaga frá bæjarráði um að fram fari í samstarfi við Arkitektafélag Íslands hugmyndasamkeppni um framtíðarskipulag í kringum lónin í miðbænum m.a. með tilliti til gerðar göngustíga, gróðurs, lýsingar, áningarstaða og gerðar göngubrúar frá Framnesi og yfir lónið.

Húsahtun

Þann 24. apríl 2018 kom starfshópur Atvinnuvega- og nýsköpunarráðuneytisins í vettvangsferð til Seyðisfjarðar vegna stöðu húsahtunarmála. Að lokinni

vettvangsferð og viðtölum við framangreinda aðila fundaði starfshópurinn með atvinnu- og framtíðarmálanefnd Seyðisfjarðarkaupstaðar og hóp sem starfar með nefndinni, bæjarfulltrúum og starfsmönnum. Fram koma að margt gagnlegt hefði komið fram í ferðinni m.a. mátu þeir sem svo að dreifikerfið á Seyðisfirði væri ekki ónýtt heldur væri það gallað og að það kynnu að vera tækifæri í því endurnýja kerfið. Frekari upplýsingar má sjá á vef sfk.is.

Húsnæðisáætlun

Fyrir fundi bæjarstjórnar í apríl lágu drög að húsnæðisáætlun fyrir Seyðisfjarðarkaupstað. Áætlunin hefur nú verið samþykkt og birt á vef kaupstaðarins. Áætlunin er m.a. grundvöllur til uppbyggingar almennra íbúða með stofnframlögum frá ríki og sveitarfélögum.